



恭報修築官塘工料疏

題爲官塘關係地利不小厥工甚鉅謹將估計工

料并撥抵銀項奏

聞仰祈


聖鑒嚴責成功以垂永利事臣巡舟往來於蘇常之

間見運河官塘南自吳江縣之王江涇北至武

進縣之呂城鎮一帶塘路傾圮有年而糧船之

緯兵馬之馳商旅之過往往苦之至遇水潦之

歲田疇無護尤若禾麥之淹臣目擊心維輒毅



然以修築之舉自任于今年正月二十七日檄下常州府水利通判翟鵬翼令其與蘇州府同知王吉人畫界分行輕舟踏勘每至一處與地方耆老商估某處坍塌應修約用工料若干某處空缺應補約用工料若干應自某地方起至某地方止備造簡明文冊回報檄行去後隨據蘇州府同知王吉人呈稱該本職行據長洲縣督同水利縣丞張文瑛估勘閘門等處塘橋工料共計該銀一萬二千五百二十兩四錢七分

零對門等處塘橋工料共估計銀一萬三千八百七十七兩一錢九分零又據吳江縣督同水利官鄭一綸估勘塘橋工料共計該銀一萬三千一十六兩六分零備造逐處逐段細冊轉送到臣又據吳縣申稱胥盤二門外一帶塘路估計工料銀五百八十三兩有零又據常州府通判翟鵬翼呈稱遵經喚同武無二縣水利工房并各匠頭老人公同酌估武進縣自呂城交界起至五牧界牌止計長七十五里通共應用工

疏和
料合筭銀一千六百五十四兩二錢五分無錫
縣自五牧交界起至望亭止計長九十五里通
共應用工料合筭銀三千二百七十一兩九錢
八分亦造有估計細冊送臣該臣卽將常州府
庫并理刑廳承追犯蠹詞狀各招贓銀儘數撥
發三千三百餘兩又動支積穀銀府貯三百兩
武進七百兩無錫三百兩以抵給武進無錫二
縣修塘工料之數續據該府詳稱工料估數不
敷贓銀延緩難繼且恐有人亡產絕少實多虛

故又將潞墅閔蠹犯屠仲義等現追在庫贓銀
一千兩併續批招犯贓銀二千餘兩盡數撥發
以益之董其役者通判翟鵬翼府經歷王維新
也十一月二十七日已據本官報稱武進工程
約完七分無錫工程亦完有六分至于蘇屬長
洲吳江二縣塘工臣先於報明蠹犯胡廷桂等
疏內

請以給主贓銀四萬零九百餘兩內留半抵工外又
撥張執之周桂昇二招共四百四十二兩九錢

又撥泔墅閔蠹犯練澄吳譽如等兩招內現追
贓銀共一千七百零二兩據同知王吉人呈稱
本職代

覲啟行不及親行酌給工料隨將一千兩交發長洲
縣七百零二兩交發吳江縣收貯俾之酌計便
宜給發一面嚴行各縣勒追胡廷桂等各贓贖
接濟尅限完工等因此外又撥松江府蠹犯印
秉銓銀五百八十八兩又撥長洲縣八年分支
存役田銀四百兩又撥蠹犯周舜生贓銀四百

九十八兩八錢零又撥集蘇松二府屬縣詞狀
各招贓銀共三千七百兩有奇又撥蘇松道等
衙門問結犯人朱臣等招贓五百八十三兩發
吳縣抵充胥盤二門工料訖董其役者則有蘇
州府同知王吉人估計興工自吉人以代

覲行通判吳重舉繼其事且本官見攝長洲縣印務
尤不容諉吳縣則知縣王麟標吳江縣則知縣
唐增也但常州之工費業已撥足惟蘇州塘廣
費鉅共估計四萬金除陸續撥發止得二萬八

千有奇尚少萬餘無抵臣思此一役也關繫蘇常一帶地利甚大及今撥足工費剋限僱催尚慮臣出境之後人心懈弛若懸此無抵之費未有不乘機藉口以爲緩工計者臣查蠹犯高孝先史宗煒一案贓私甚鉅奉旨行追之後史鑑監故止史宗煒完解一萬五千餘兩高孝先僅完三百五十兩入官餘贓數萬因係給主分毫不吐以致被害諸商情願併歸入官合無

請將高孝先給主贓銀一萬兩追充蘇州修塘之費責令鹽運司承追解發蘇州府總捕同知分給以足前估之數其餘贓銀仍照原案追完給主庶工役不爲道旁之築而蠹贓無徒紙上之名計無便于此矣相應

題報伏乞

勅下接差御史李

查照催督完工施行謹題請

旨

聖旨順治九年 月

日奉

聖旨

以將為

貴今

高

法

同

貴

題報衙蠹賊銀疏

題為請

勅申嚴吏治重懲民害以甦殘黎以廣

聖慈事案奉都察院勘劄准吏部咨文選司案呈該

御史朱紱題請按臣復

命應另具一疏另造一冊將拏過衙蠹姓名併所犯

罪過造報察核奉

聖旨該部院知道欽此隨咨都察院去後今都察院

回稱吏弊不澄多因衙蠹作祟但衙蠹不論大

小衙門俱足歲奸今朱御史疏請肅清並嚴撫按各差以及司道之衙蠹應飭巡方力行冊報以備稽查等因到部查衙蠹責成巡按議屬可行相應仍咨都察院嚴飭遵行案呈到部移咨都察院劄行到臣遵奉在案今臣巡歷事竣所有拏過衙蠹相應冊報臣維訪拏衙蠹得其法則除害鋤奸不得其法則縱克養惡蓋真正奸惡盤踞衙門把持官府志氣昏庸者借叢不知謬矜聰察者養癰不治上官日嚴衙

蠹而窩訪賣訪嚴衙蠹之柄每操之真衙蠹之手或吞舟漏網而巧尋菜傭以塞責或罪狀已露復別換頭面以呈身官被害民被殃而害官殃民之蠹仍在此輩可一日容於堯舜之世哉故欲清衙蠹先清窩訪賣訪之蠹臣入境之初微行親訪立拏蘇州第一等大蠹沈碧江胡廷桂等一案數十人凡撫按二院道廳之巨擘一時滌盪幾盡又拏塩院大蠹高孝先等一案問斷入官贓六萬有奇而給主之贓倍是

其次如撫院衙門之周舜生蔡嘉璉許墅關之
吳讐如等屠仲義等練澄等揚州鈔關之臧元
旭等淮倉之孫士允等淮關之劉運乾等清江
部司之張應鶚等開座部司之陸麗寰等揚州
道之朱之彬松江府理刑廳之印秉銓張國綸
揚州府理刑廳之薛承等清軍廳之林升等常
州府理刑廳之王甫等鎮江府理刑廳之潘昇
等松江府之陸榮等淮安府之張炳然均屬真
正著蠹及各州縣蠹役俱細開在冊送部內臧

元旭等一招已解部四千五十一兩續追見在
督解銀三百八十六兩五錢薛承等一招已解
部銀二千三百三十四兩一錢二分五厘續追
見在督解銀二百六兩孫士允一招已盡數解
部銀七百三十兩一錢二分五厘劉運乾一招
已盡數解部銀三千五百一十五兩一錢二分
五厘高孝先等一招已解部銀一萬五百兩續
追見在起解銀五千三百四十六兩以上共解
部銀二萬八千六十八兩八錢七分五厘胡廷

桂一招共銀四萬九百餘兩俱係詐騙之贓律
應給主已經疏正十三百四十六兩以土共

請追半給主追半修塘又除周舜生吳譽如練澄屠

仲義張國綸潘昇王甫等各招贓銀撥抵修築

官塘及奔牛京口各關工料之用註明在冊報

部外實該追解部贓銀共五萬七千四百六十

八兩四錢五分五厘所有犯名細數相應開列

具

題伏乞

等一罪已解部贓銀四十五十一兩餘部

勅下該部查照施行

計開

拏過蠹犯贓銀除起解及撥抵塘工外應

追解部銀共五萬七千四百六十八兩

四錢五分五厘內

撫院蠹犯蔡嘉璉入官贓銀三百兩按察

司承追

監院蠹犯高孝先史宗煒等尚未完入官

贓銀四萬九千八百零四兩揔運司承

追

清江部司蠹犯張應鶚入官贓銀八百五

十兩淮海道承追

開座部司蠹犯陸麗寰狄元貞等入官贓

銀五百二十兩揚州府推官承追

揚州道蠹犯朱之影入官贓銀七百一十

五兩揚州道承追

松江府蠹犯陸榮陳定等入官贓銀二百

二十八兩金七兩應易銀五十六兩松

江府推官承追

上海縣蠹犯徐履泰入官贓銀三百二十

兩松江府推官承追

青浦縣蠹犯張文元入官贓銀一百六十

四兩五錢七分五厘松江府推官承追

淮安府蠹犯張炳然入官贓銀二百二十

一兩四錢淮安府推官承追

鹽城縣蠹犯許朋等入官贓銀六百九十

三兩周國柱等入官贓銀六百八十三

兩五錢俱淮安府推官承追

海州蠹犯許彥芳等入官贓銀一百六十

兩淮安府承追

宿遷縣蠹犯李暢等入官贓銀七百五十

一兩九錢淮安府推官承追

睢寧縣蠹犯金雲蒸等入官贓銀八百八

十二兩一錢淮安府推官承追

豐縣蠹犯張春白入官贓銀九十三兩七

錢淮徐道承追

揚州府清軍廳蠹犯林升等入官贓銀一

百九十六兩揚州道承追

高郵州蠹犯秦煜入官贓銀五百五十二

兩揚州府轉行高郵州承追

瓜洲關蠹犯徐日昇等入官贓銀二百八

十七兩二錢八分

高州州憲以奏撥入官銀兩五百五十二
百五十二兩四錢四分

○○○回奏欺侵布價各犯已未完數目緣由疏

題為江南積逋已多額布侵漁為甚備核歷年欠

數請

旨追究于前立法于後以襄

國家實用事順治九年七月二十四日奉都察院

勘劄准戶部咨江南司案呈戶科抄出該本部

題本司案呈該臣世禎題前事等因順治九年

四月十四日奉

聖旨額布錢糧侵欺至五十餘萬奸解沈士晟等及

政和
各蠹役該督撫按嚴究追擬併經營各官確察具
奏餘着部議該部知道欽此欽遵抄出到部該臣
等看得蘇松常三府歲額布據按臣秦世禎疏
內所已叅者自順治四年起七年止凡經營各
官已徵在縣解貯在府及奸解蠹役等弊已奉
俞旨該督撫按嚴究追擬併經營各官確察具奏矣
母容再議其八年以後按臣疏

奏另立責成之法但地方之刁悍與官員之能否

臣部隔越數千里之外難以遙度應

山

勅行巡按御史會同督撫務從長酌議妥確起解得
法母使拖欠至于撫院吊取箱槓銀作何支銷
太倉州崑山嘉定二縣六年分編派價銀與四
五年額編銀兩數目參差常州府屬自四年分
布疋完欠不惟不報臣部催經八次並無回覆
乞將侵欺隱瞞等弊併
勅下該巡按御史秦世禎嚴加查明分別擬罪究核
奏

請定奪者也等因順治九年六月十六日題本日奉

聖旨依議欽此欽遵抄出到部移咨院堂劄行到臣
隨經嚴行布按二司見在追究該臣看得布解
侵欺一案凡衣食于此中者無一非遊棍神奸
頑皮狡智自始至今到處衙門皆有線索其所
畏不在究罪而在追賍從來極大賍罪行究之
始不知費多少叅駁已究成招之後每每安坐
福堂漸且望

赦援

恩希圖出柵此臣所以惟務急追完帑爲真實功夫

也此輩嚮以易名變姓那後移前爲活計今後
路旣斷活計已窮及今嚴比則其營運之貲本
置買之田房妻妾之簪珥文綉原係出之侵欺
布價而有者俱可急取以還官又若黨夥之私
烹官胥之扣剋差役之索詐亦莫不因布價而
去者亦可併追以完帑如失今不圖祇留爲本
犯家口獄食之資有與歲月俱銷耳今臣以馳
驅靡盬之身未嘗一刻忘此曹一一提至親比
見今催追在庫銀共六萬九千二百六十一兩

六錢九分四厘內太倉州共一萬一千四百四十兩七錢六分崑山縣共九千七百三十兩嘉定縣共二萬四千四百一十六兩華亭縣四千兩上海縣三千五百兩青浦縣五千兩武進縣二千六百兩宜興縣八千五百七十四兩九錢三分四厘盤明實在布三萬六千三百五十疋俱據布政司開報臣批令是布解布是銀解銀不必再辦仍滋銷化又查崑山縣貯有順治三年分黃仲諧辦布二千四百六十疋因領辦不

足未經起解見貯在庫此臣兩月內清追見在之數也至於撫院吊取箱損銀據華亭縣回稱六年布疋改折至八年四月內奉土撫院坐吊于本月十三日二十四日兩次解銀一千兩獲批在卷嘉定縣回稱八年二月內奉土撫院吊取一千五百一兩七錢九分遵卽動支差吏顧芬起解獲批在卷又太倉州奉弔扛銀三百三十七兩六錢四分上海縣奉弔解銀一千兩以上共三千八百三十九兩四錢三分今據布政

司稱前銀貯存蘇州府庫矣其崑山縣六年損費銀三百七十二兩五錢六分據該縣回稱雖奉前撫吊取並未有解既未有解而前此乘機混開于府送冊中豈經承無心之悞耶蘇州府屬價損銀四五年分原編共五萬六千兩自六年起止編共四萬四千八百兩係撫臣斟酌時值于該年會計冊內減編故太倉崑山嘉定有數目參差之不同也以後責成辦解之法近見遵

旨會議一欵江南額布已邀

聖恩改折二十二萬有奇其餘本色不多議照時價徵銀解赴藩司遴官採買無庸再議矣除清追在官銀布督令布政司俱附搭順便解官速解赴部餘欠着落各刑官嚴限比追各犯應得罪不名見經布按兩司會審定擬另

奏外今臣交代有期合將已追之數及撫院吊解箱損編價數目參差緣由先行奏

聞仍將各奸解完欠實數逐名開註於後以便

睿覽臣謹會同總督臣馬... 巡撫臣周... 合詞

具詳... 蘇州府

題伏乞

勅下該部查照施行

計開... 蘇州府

蘇州府

徐鑑原領順治四年分太倉州嘉定縣

布價銀一萬二千三百六十八兩四

錢又領五年分太倉州布價銀四千

三百兩原據報辦布二萬三千二百

疋今查實解七千八百七十五疋見

寄天津衛見行布政司差官取解其

虛報未辦布一萬五千三百二十五

疋及冒領未完銀三千三百八十八

兩四錢相應嚴追

楊日章原領順治四年分崑山嘉定二

縣布價銀六千五百三十一兩六錢

又領五年分崑山縣銀一千五百兩

今據報已辦布四千疋在縣見行督

催起解冒領未完銀六千四百三十

一兩六錢相應嚴追

顧之鵬原領順治五年分嘉定縣布價

銀一萬四千五百兩原據報辦布二

萬疋今查實寄天津布六千四百二

十五疋寄頓江寧龍江關布四千四

百疋見行布政司差官取解共虛報

未辦布九千一百七十五疋冒領未

完銀六千五百兩相應嚴追

朱泰原領順治五年分嘉定縣布價銀

五千五百兩原據報辦布五千八百

七十五疋今查實寄天津布三千八

百七十五疋見行布政司差官取解

其虛報未辦布二千五十疋冒領未

完銀三千一百五十兩原有朱成朱

亥認辦相應一併嚴追

馮勤原領順治七年分嘉定縣布價

銀一萬兩今據報已有布四千疋在
縣見催起解冒領未完銀八千七百
二十兩相應嚴追

松江府

湯之任原領順治四年分華亭上海青
浦三縣布價銀八千九百五十二兩
一錢原據報已辦布三千三十九疋
今查見寄鎮江布實止二千疋見行
布政司發解虛報未辦布一千三十

九疋冒領未完銀四千三百九十八
兩五錢六分據稱係許朝紀王允忠
等分侵已認完一千二百三十兩相
應一併究追

孫錡原領順治五年分華亭上海青浦

三縣布價銀一萬二百一十四兩六
錢一分二厘原據報已辦布四千一
百疋今查見寄鎮江布實止三千七
百七十五疋見行布政司發解虛報

未辦布三百二十五疋冒領未完銀
六千二百八十八兩六錢一分二厘
除繳還原給串單六百兩外餘欠相
應嚴追

沈士晟原領順治七年分華亭上海青
浦三縣銀三萬四百五十二兩二錢
七分二厘原據報已辦布五千疋全
無下落止追完銀一千兩在庫繳還
串單未支銀二千一百四十二兩五

錢在官又供趙之烈等分侵九百兩
又供革職知縣高維乾有扣剋曹邦
達等有烹蝕見在究追但假冒之奸
惟士晟爲特甚數爲獨多相應先籍
其家仍將烹侵扣剋諸奸審確同本
犯一併嚴比然後將本犯正法以儆
常州其餘

崑山縣六年分箱損銀三百七十二兩
五錢六分四厘原據蘇州府冊開起

政和
解撫院令查未到明係經承乘機

出侵見行查追
三百六十二兩

常州府

蔣沅原領宜興縣布價銀一千七百五

兩一錢查係赤棍無完見行批同着

落原給發官胥賠補

那借在庫布價銀共二萬二千三百六

十九兩九錢有零內

嘉定縣庫吏夏時正那借六年分布價

銀五千兩總書夏公來那借六年分

布價銀一萬二千兩

華亭縣經承沈時達吳雲會吳天爵那

借華亭縣四年分布價銀五百五十

四兩七錢五分九厘上海縣銀九百

兩張信之那借華亭縣六年分布價

銀二千三百八十一兩四錢四分

上海縣王希湯那借本縣六年分布價

銀一千五百三十三兩八錢俱見行

嚴加追補

百三十三兩八錢

土銀王命...

二千二百八十一兩四錢四分

○回奏瞿四達等詐贓併追疏

題為罪令贓私狼籍質審已明前叅未及補贖併

追事順治九年八月十八日奉都察院勘劄准

刑部咨江南司案呈刑科抄出該臣題叅原任

常熟縣知縣革職擬絞瞿四達詐贓併追緣由

於順治九年七月十八日奉

聖旨着該督撫按一併嚴察追擬具奏三法司知道

欽此欽遵抄出到部咨院劄行到臣就經會同

督撫二臣備咨案行江南按察司察追去後節

經檄催令於本年十二月二十三日據按察司署司事分守江寧道副使林天擎呈詳開稱問得一名瞿四達年二十九歲係河南懷慶府河內縣人由丙戌科進士順治三年十月內除授江南蘇州府常熟縣知縣于四年三月二十五日到任狀招云云等因到臣據此該臣看得瞿四達筮任為令大肆貪殘先經奉察到情據此旨提問擬絞尚有侵詐贓私係前案所未盡者臣復補贖併進奉有嚴察追擬之

旨按原疏四達名下所侵南糧餘價銀三千五百一十五兩應追入官今按察司覆審無異四達雖欲狡辯何不辯于蘇州府廳會審之時乃今日久計生妄希展脫誰其信之至于原詐王復南楊芳朱侍耕陳甫朱美今審實共贓銀四千七百三十兩俱應給主蠹役仲吉宋元陳祥顧卿許相陸科邵聲之今審實詐贓銀共二千二百一十兩仍于蠹犯沈碧江胡廷桂案內追結以半給主以半修塘四達已經先案問絞毋庸復

疏和
擬仲吉等犯在

赦前應邀
宥免俱候追贓完日發落臣謹會同總督臣馬

巡撫臣周合詞具

題伏乞

勅下法司覈議覆

請施行謹題請

旨

○狼山司署巡檢吳永升帶印脫逃疏

題爲挈印逃走事順治九年十二月二十四日據

揚州兵備道右叅議兼僉事劉興漢呈稱蒙臣

憲牌內開案於本年二月初一日據該道呈詳

前事開稱通州白蒲鎮署印巡檢吳永升緣事

犯贓見駁府審未結牌行通州摘印責令差役

王茂押赴該州乃王茂竟不帶赴公庭輒敢受

賄疎縱携印潛逃殊爲蔑法除嚴批該州押令

王茂等勒限追緝務期必獲解究等因到院隨

該本院詳批吳永升既犯贓擬罪何故久不摘
印及行通州摘印何又任差役作弊遷延帶印
脫逃事干
題究罪不獨在王茂曹福等也該道嚴行勒緝速
速報批行去後屢催並無獲解事干帶印脫逃
擬當據實

題報爲此牌行該道卽查吳永升係何衙門行委
及被告提審之後何不卽行摘印奉行摘印之
後何又任其展轉遷延以致挈印脫逃脫逃之

後何不亟行嚴追悠悠至於今日逃犯猶輕印
章爲重本院復

命啟行不得不明以入

告的限次日倘將前項情節及緝獲有無緣由據實
確報毋得違怠等因蒙此該本道查得吳永升
於七年五月初七日奉前任漕撫吳部院憲牌
爲軍務事照得揚州道標左哨把總熊長孺緣
事已久所遺員缺難容乏人查有原任守備吳
永升堪以補用爲此票仰揚州道卽便着落原

任守脩吳永升管理該道標下左哨把總事務
要操練兵馬防護地方母得懈弛等因蒙此遵
依間卽值經制奉裁本年十一月有白蒲司巡
檢缺員通州知州孫之大申請署理在卷後因
孫氏具告盛名儒事詞內有巡檢吳永升詐贓
等語蒙本院批道親審隨經備行揚州府提審
去後業經該府招開永升得贓二十兩豈原解
王茂疎虞防範以致拐印脫逃屢行提緝未據
獲解茲接憲檄嚴催又經差快手吳應科移閱

浙江嘉湖道仍押永升鄉親吳敬泉前赴原籍
湖州根緝恐違憲限合具呈覆等因到臣據此
該臣看得白蒲鎮巡檢卽狼山巡檢司也俗稱
白蒲鎮者因所駐之地而名屬在揚州府通州
向以巡檢缺員前任知州孫之大以吳永升申
詳署理嗣永升被孫氏告發審有贓據豈謂解
役王茂受賄疎防致令帶印脫逃詳委之孫之
大先經臣入境叅革問擬罪無可加賄縱之王
茂法當重究至於吳永升查係浙之湖州人距

揚匪遠何難踪跡乃承緝寬延迄今未獲則奉
行各官亦有不能辭其咎者。今據揚州道稟稱
已有親人着落且夕可獲但臣移舟境上候代
不能稍俟。除經揚州道移關嘉湖道仍押永升
之親吳敬泉剋限根緝務外謹會同漕撫臣
王王合詞具

題伏乞

勅下該部查照施行謹題請

旨

○再報清查淮揚徐屬侵那錢糧疏

題爲錢糧借冒拖欠官役互相侵吞請

旨責成督按徹底清查嚴行追補以除積弊事先該
微臣查過蘇松常鎮四府屬錢糧分別侵欺那
借及起解未獲批迴銀項總數開具奏

聞順治九年九月十三日奉

聖旨本內錢糧侵欺那借等項數多著該督撫按嚴
加察議追究具奏各直省錢糧必有這等情弊着
通行各督撫按嚴察叅奏該部知道欽此欽遵臣

渡江而北以次巡歷淮揚二府徐州一州查出
淮安府屬州縣共存庫銀三萬一千二百一十
三兩六錢零。徐州并屬縣共存庫銀一千一百
九十三兩四錢零。揚州府屬州縣共存庫銀九
千四百四十七兩九錢零。除行淮揚二府理刑
官督催起解布政司接濟軍需外所有查出侵
冒賚欺借透及未獲批迴給放無領狀各數目相應
開列續報。臣按屬六府一州查理之數盡在先今兩疏中矣。

嚮經督責各府理刑官照依欵項逐一嚴加清
追。今催據造到蘇松常鎮淮揚徐各細數及續
完有無并經管官胥姓名開造清冊前來轉送
戶部備照相應具

題伏乞

勅下該部查照施行

計開

淮安府屬

鹽城邳州等州縣侵欺共銀一萬五千

借支透支共銀一十萬三千七百三十三兩
二錢二分零

起解未獲批迴共銀一十萬九千七百
二兩

給放無領狀卷宗可憑者共銀八千四
百六十六兩四錢六分零此項見責
理刑推官再行吊查明分別追銷

徐州

本州并所屬縣額外透支共銀一萬七
千三兩四錢七分零
起解未獲批迴共銀五千八百一十一
兩九錢七分零

揚州府屬

州縣侵欺共銀一萬七千八百五十兩
九錢二分零
借支透支共銀八萬六百八十七兩四
錢六分零

起解未獲批迴共銀一十八萬八千一

百五十二兩三錢六分零

給放無領狀卷宗共銀二十一萬一千

二百六十三兩五分零此項見責理

刑推官再行吊查明白分別追銷

以上淮揚二府徐州一州自順治五年起

至九年止共查出侵欺銀三萬二千九百

三十七兩五錢有零借支透支銀一十九

萬一千一百三十四兩一錢有零起解未

獲批迴銀三十萬三千六百六十六兩三

錢有零另有細數及職名冊送部查核又

給放無領狀卷宗共銀二十一萬九千七

百二十九兩五錢復行理刑官查明白分

別追銷

限出論

百二十次兩正發與行野佩符查開自公

餘效無與世宗共幾二十一萬五千水

給市零民官除地與賦各世發特查對天

蘇世賦賦三十萬二千六百六十六兩三

靖江令高攀龍給由疏

題為給由事案奉都察院勘劄准吏部咨為欽奉

上傳事內開道府州縣一應滿漢官員必三年任滿

方許陞遷等因通行遵奉在案今據江南布政

使司呈稱據常州府申詳前事內開據靖江縣

申准本縣知縣高攀龍開稱年二十六歲遼東

籍由貢士順治五年三月二十六日除授今職

本年六月十九日到任扣至八年五月十八日

連閏實歷俸三十六箇月三年任滿例應給由

疏稿
等因到臣據此該臣覆核無異考得靖江縣知縣高攀龍年青才老事治民安襟江帶海之區而萑苻不警其消弭之加多也稱職應准給由除行令本官照舊接俸管事其行過事實及錢糧等冊布政司徑送各部科查核外今將考過緣由會同總督臣馬 巡撫臣周 具

題伏乞

勅下該部覆加查覈施行謹題請

旨

○○○究擬蠹犯周君調等并請廣捕曹聘宇疏

題為元克竊權蠹

國商民受困堪憐荼毒兩淮害延七省生歿含冤

朝野共憤仰祈

聖明立賜殛除永安黎社事順治八年六月初十日
奉都察院勘劄准刑部咨浙江司案呈奉本部
送刑科抄出江南淮安府進士張新標等合詞
具叅蠹惡曹聘宇等各逼詐贓款緣由順治八
年五月初九日奉

聖旨曹聘宇等併本內有名人犯着該撫按嚴審確擬具奏該部知道欽此欽遵抄出到部咨院劄行到臣奉此該臣遵卽會同撫臣激行按察司准海道嚴提曹聘宇等究審按律確擬招解去後據淮海道呈詳曹聘宇盧植斯朱中丞等久逃廣緝未獲但

欽案未便久懸合將見在人犯審擬回奏於順治九年九月十一日據江南按察司按察使謝道呈詳開稱問得一名周君調卽周之鼎

年五十六歲係江南淮安府山陽縣人狀招

云等因到臣據此該臣看得周君調潘汝捷與

在逃之曹聘宇盧植斯陳百脩朱中丞張慶甫

唐士英及捕急縊死姜麟生皆去任漕部庫書

之衙役也均以亡賴赤徒夤緣入脚或克書辦

或克差官擅權竊柄信手施爲礪吻磨牙擇人

飛食潘汝捷等採探于外羅素封于夾袋錦囊

周君調等接應于內縱鷹犬以勾魂攝魄大約

謀叛之題即是群惡之第一等生涯也畧可捕

風捉影。遽欲燎地燒天。賄成則破產。傾家賄不成。便伏屍濺血。人知毒機善中。亦思借劍殺人。于是有周逢。豫買笑爭風。輒令王三妓誣首徐人傑。呂三虔以九侯造反。竟致弄假成真。斷難復續。而餘波所及。孫賓所等。又費資三千八百二十金。皆聘字君。調中。誣等充橐之物也。此外如指抗官糧。如嚇抄充餉。如誣發墓。誣殺軍。誣殺婢。如誣匿滿洲子女。誣藏妖僧。匿官盜姦隣婦。及恃強打詐。使勢吞田。皆一一被害有人計。

賍有數。可謂罄竹難窮。決波莫盡矣。斯一時也。淮揚塊土。民不安生。慘禍疾于迅雷。性命等于鴻毛。而群蠹方且獲千。獲萬。悖入如湧。泉載舞載歌。揮灑如泥沙。到今惡積怨盈。不免冰消瓦解。蓋天道有必伸之理。人心無不報之仇。何怪諸怨家。咸欲食肉而寢皮也。以見在各犯論之。則周君調潘汝捷為最。按律應絞。次則朱國綺。杜寶鴻屠大喜生見獵詐。亦有賍減等投荒罪。固應嚴。王三妓王元泰邵慶各擬以杖。賍銀連

紙罪共計二萬六千二百六十八兩六錢二分
 五厘各照名下追贖入官田地照斷追價抵贖
 還產婦主獨是曹聘宇以絕頂神奸非常巨蠹
 附耳躡足縱慾宣淫不知傾覆幾人之家斷送
 幾人之命此當首膏斧鉞以儆其餘今乃免脫
 無踪大索未獲以致厥辜未正贓案空懸臣實
 有未慊于心者除審贓一面追比家屬與見犯
 周君調潘汝捷等一體勒完外合無仍請
 皇上通行天下將曹聘宇并盧植斯等廣捕必獲俾

無一漏網庶幾

國法盡而人心暢矣臣謹會同漕撫臣王合

詞具

題伏乞

勅下法司將周君調等情罪覈議覆

請未獲曹聘宇等通行緝獲正罪施行謹題請

有

私鑄犯人沈如連等援赦疏

題爲仰遵

恩詔請

赦事、臣審錄蘇州府嘉定縣監犯內未起私鑄公行無忌等事、招開犯人沈如連係是嘉定棍徒、不守本分、因本地大場鎮與上海縣兩相交界、可以開局私鑄銅錢、如連出房窩頓脫逃、嚴公甫等及已獲楊梯山同男楊文及高南張五張文等、違禁開爐私鑄、問擬如連丁五爲首、應絞、楊

梯山高南爲從應成楊文張五張文凌一張大
沈七趙三并知情朱三談壽總屬窮徒擺站允
宜孟敬山身爲保長賣放重犯法應重究與已
故之顧文董洪萱徐玄陸渭孫加善費大俱服
天刑姑免議許加昇許公盛張仲良均有貿易
之蹟念無入手銀錢薄杖示懲未獲嚴公甫張
君聘沈三卯吳大馮四丁五等嚴緝另結具招
詳院批道轉府覆審該本府知府王光晉遵奉
赦例看得沈如連違禁私鑄楊梯山等附和爲奸已


經分別律擬允當厥辜矣止緣首犯嚴公甫免
脫以致屢蒙駁勘今值

恩詔下頒查各犯罪非十惡事在

赦前或可邀一面之仁也通詳到道轉詳巡按秦御
史批開沈如連等私鑄情真罪應如律止因嚴
公甫脫逃致滋辯駁今旣

恩詔可援該道先將配杖各犯釋放如連等三各候
會議彙

請發落繳遵依在案等因備抄招冊送臣審錄該臣



P551

政和
審看得園府

國之利源。私鑄法所首禁。沈如連開爐。自擅施其
舊有之。鉗錘楊梯山等附和為奸。罔畏維新之
刑憲。分別絞戍。夫復何辭。犯在

赦前。應邀

恩例。查先奉有成招。奏聞之

旨。未敢竟自發落。相應具

題伏乞

勅下該部查照議覆。豁免施行。謹題請

○○○薦舉方面官員疏

題為循例薦舉方面官員事。臣嘗深維風紀之說
而知吏治之貞邪。必有所自。外吏則監司其表
率矣。譬之振衣者。必提其領。舉網者。必挈其綱。
綱領之地。得有司之眾。可次第而推也。臣謬
承

簡命。予身入疆。所與同心共濟。相為表裏者。惟監司
是賴。初察知蘇松道胡以泓。及運司陸登甲。貪
穢狀。臣卽以白簡從事。自茲而後。莫不共益砥

礪一週有半以來過相規善相勉利弊相講求
與除相叅酌一德一心有呼必應正猶伯氏吹
璠仲氏吹箎而韻叶音諧太和成奏間有一琴
瑟弗調宮商不節如淮徐道張斌其人者已該
漕撫臣王會疏糾彈仰應

計典重鼓而更張之矣此外皆錚錚自好恪共迺職
司賦者賦治司刑者刑明若漕務若兵農亦各
事事咸理臣今差滿得代可不表其賢勞評其
才品以備

皇上不次之擢而鼓諸臣樂用之心乎除揚州道叅
議劉興漢以山嶷岳峙之標儲和風甘雨之氣
釐弊必窮其源除蠹必靖其窟以勘奏纔經昭
雪見候部覆江南右布政使鄭廷樾小心執玉
捧盈粹品輝山媚澤軍需克濟望重旬宣兩淮
運使梁鳳鳴三輔夙馳芳譽兩淮懋著嘉猷
課旣盈商民交頌各以履任方新恢弘有待俱
未敢概列正薦外所有應薦者共九員謹一一
品隲爲我

皇上陳之

大計開

江南左布政使劉漢祚蒿目時艱殫心

國計江南財賦當天下之半連年水旱徵督煩難

而能拮据轉輸軍需嘉賴至其正已率

屬文經武緯尤絕倫超群建牙首選

江南按察使謝道執法不阿持平如水承

謙

欽件大獄皆引經協律情法互參慎刑則獄無冤民

捐賑則民免飢色其好善惡惡出於天

性冰心勁骨允稱諤諤風載卓品也

漕運道右叅議袁廓宇器度沉雄才優經

濟凡漕儲之利弊靡不與除攸當拮据

三運挽遲為速惠民利

國勞苦功高有臣如此可無

異數之及乎

淮海道右叅議兼僉事卞三元雅度翩翩

雄才矯矯軍民疾苦地方利害一切刑

名錢穀之事隨扣隨答如在指掌蓋神
周四郊而胸羅萬彙者不當以藩臬久
淹之

常鎮道右叅議兼僉事原毓宗端凝之品
練達之才臨事不疾不徐而從容中度
戢兵安民翦窩弭盜地方賴以寧謐至
文章風雅又其緒餘也

蘇松督糧道副使兼叅議張懋忠遇事任
真發言中窺漕兌之積弊盡剔梟蠹束
手故當上年水災之餘輓輸不後其清
操定加有過人者

江安淮揚等處督糧道右布政使陳極新
規模博大智識淵沉督儲弊絕風清敷
政威行惠洽允稱屏翰之選

蘇松道副使張獻捷望之樸然無華扣之
鏗然鍾呂蘇松奸宄叢生臨以精詳細
臧蓋不務赫赫名而專修實效者也

江南驛傳道僉事趙日燝才諳敏練品格

端莊鹺務賴以疏通郵政因之調劑事
無巨細措置咸宜監司中自負也

以上諸臣皆一時方面之良所當薦揚以倘優
擢者也伏乞

勅下吏部覆加查覈如果臣言不謬將劉漢祚等從
優擢用施行謹題請

旨

○○○舉劾有司官員疏

題為循例舉劾有司官員事臣維吏治之貞邪關

民生之休戚故曰得一賢守如得勝兵百萬一

賢令如得勝兵十萬蓋重之也江南吏治六七

年來大壞極敝正如積穢之場雖有修潔之士

惡其穢者為掩蓋則易為掃除則難初既暫為

掩蓋而日積日甚久且與之俱化不復覺其穢

矣臣叨濫今

差恭承

皇上面諭不敢妄自菲薄輒以掃除之役爲已任凡
地方之積害錢糧之積侵衙門之積蠹豪右之
積威及囹圄之積冤靡不殫精竭慮任怨承勞
吏治積窳遂亦因而稍振臣今事竣例有舉劾
除常州知府祖重光才弘守潔逋賦力清揚州
知府張元璘由義居仁棠陰孔懋鎮江府同知
王治邦持躬端謹師帥名高俱經陞任興化知
縣賀運清如臯知縣陳秉彛經濟弘深亦庶亦
惠俱經行取淮安府同知房步瀛議論文墨已

徵面議泰州知州趙汲精明愷悌雅志清釐矚
山知縣夏以牧忠樸存心真誠任事俱歷俸尚
淺不敢概叙正薦外其有循聲表著及劣蹟漸
彰者謹據聞見合之司道府刑所報分別爲我
皇上陳之

計開

應薦有司官共二十五員內

知府二員

鎮江府知府劉芳烈庶潔自勵仁惠

...存心地當水陸交衝災荒接踵而
...地方之賦役無煩苛民免溝壑刑清訟簡蠹
...別奸銷可稱治行第一

淮安府知府牟廷選持重老成不隨
不激衝疲四載勞苦良殷而殫力

皇土則文... 不啻由已如傷之切其賢可

同知二員
蘇州府同知王吉人才堪四應守絕

一塵。讞獄則鑑徹覆盆。署邑則膏
流。葺屋清奸弭盜。利興害除。大有

造於地方

淮安府同知薛所習蘊藉弘深。猷為
敏贍。其治河也不辭風雨勞瘁堤

岸修築堅完。克盡職業

通判二員
常州府通判翟鵬翼佐郡有為臨民

無擾承委修塘之役躬親監理露

疏高

宿河于是能勇于任事者

鎮江府通判高廷璧嚴于緝盜防奸

尤嚴于東捕禁擾故株連之害絕

而四境安寧其守其才俱有可紀

運判一員

運判程文光明足以察奸智足以應

劇歷攝盜曹鹺務振舉恤商裕課

寬猛咸宜

推官四員

淮安府推官李子燮識朗燃犀才恢

游刃使之治獄則獄理監漕則漕

速至辨官程材妍媸畢鑑祛蠹剔

弊山岳難搖卓品也

常州府推官劉元運玉潤珠輝之品

雷轟電掣之才忠厚正直兼而有

之理獄多所平反執法不避權貴

允堪卓選

松江府推官韓理以誠心運其才以

簡澹嚴其守案無留牘獄無冤民
剔弊釐奸亦無微不獨式金式玉
望而知為偉器

揚州府推官武績緒峻峭品格正直
心胸執三尺以無私雖一毫而莫
取分校秋闈得士為盛衡高鑑朗

清望卓然

知州一員

太倉州知州陳之幹性資嚴毅幹局

優長聽訟過人而志期無訟心存
無字而改善催科蠹弊一清刁風
衰止

知縣十三員

丹陽縣知縣吳之鎮守則一塵不染

才則萬應俱圓刑清訟理賦足民
安善政多端未易更僕數練湖之
役已見經濟一斑允堪肩鴻任鉅

泰興縣知縣石榮威惠兼施廉明

譽能于催科中寓撫字故賦額盈
而民心悅賑恤飢荒尤為篤摯品
端才健不愧循良
崇明縣知縣劉緯宅衷恬靜規模弘
遠邑治孤懸海濱能松綱繆革耗
羨賑飢荒賦課以漸而足聲譽茂
騰循吏之選

武進縣知縣姜良性真實之品謹飭
之才修雉堞賑飢荒皆出自俸餘

四載衝繁而民無間言事無過舉
不賢而能如是乎

靖江縣知縣高攀龍年青才老專治
民安襟江帶海之區而萑苻不警
其消弭之力多也

吳縣知縣王麟標文學淵遠氣局老
成以沉靜馭煩囂以細密馭奸詐
吏不忍欺民不苦厲謹厚之品也
贛榆縣知縣穆爾謨以利器而當盤

錯五年于茲，網繆牖戶，竭蹶徵輸，
無震隣之恐，有鴻雁之歸，茹蘖飲
水，良苦足念。
無錫縣知縣郭如儼，甘雨和風之槩，
惟燈匣劍之才，承積弛之後，奮圖
振刷，夙逋清而亂絲理，聲譽駸駸
起矣。

丹徒縣知縣李先春，才堪繁劇，力殫
撫循，暮年以來，清賦華耗，急公忘

私，故事集而民不勞，
蕭縣知縣祖永勳，器宇不凡，才情雋
爽，經營殘廢之餘，招徠整頓，靡事
不殫，厥苦心使非錢糧虛額累之，
宜超然遠舉矣。

沛縣知縣趙世禎，雅操英年，弘才敏
幹，拮据荒殘之邑，催科不擾，綏拊
有方，吏畏而民懷之。

吳江縣知縣唐增幹，局冲和氣，志亦

吳銳免漕徵賦拮据多勞履畝勸災
亦見晉心撫字

沐陽縣知縣王國泰賦才明敏文藝
優通少年初入仕途知所先務其
規模未可量也

以上諸臣皆一時有司之良所當薦揚以備擢
用行取之選者也內或有錢糧經徵不足皆緣
時勢所厄但會計自有殿最而治行不容槩掩
此外如徐州知州余志明內繕催科外戢寇氛

以州屬荒殘次多屢經芟艾又高郵州知州龔
蕃錫有守有為民安賦足因解草領錢一事蒙
議邳州知州程璧真品實心練才潔守因黃水
決堤一事蒙議雖俱經勘明立計

請原未經部覆又崑山縣知縣鄧秉恒任事果毅勞
怨不辭先以兵餉多逋摘忝降級雖有績完未
經開復俱才品應薦而限于

功令不敢遽及

聖明鑒別

望與應劭官一員

蘇州府知府王光晉一本官

云

此一官

者。渾身是債。注意惟錢。自銚有靈。安論是非。孰在黃堂。無色。但看上下交征。誅求已殫。于閭閻。那借復空乎。帑藏要見。民窮財盡。都緣日浸月深。醜謬已彰。糾彈恨晚。所當立行褫革。嚴加追擬者也。臣又查往事。薦額原不止三十五人。今值陞遷。糾去者多。寧嚴毋濫。而不敢取盈。糾參亦不惟一人。今值報

計在先。洵洗幾盡。而勢亦不克。取盈使糾一人而萬民稱快。百職知儆。則亦安用數盈為哉。伏乞

皇上勅下吏部查核。如果臣言不謬。將劉芳烈等分別優擢。行取王光晉重加議處。施行謹題請

旨

皇上陳下吏請查沙吹與日言不屬林騰共照字全
 其蘇湖百輝強請限亦受以燒盡為若為了
 積亦與自其錄盡而後亦不或與登與保一人而萬

舉劾佐領官員疏

題為循例舉劾佐領官員臣維張官置吏雖有崇
 卑之殊而服官盡職其揆則一也我

國家用人原未嘗限之以資格則佐領正不當以
 資格自限惟是上官鮮知人之鑑故下僚多苟
 且之心臣今事竣例有舉劾勸懲淑慝亦何敢
 以卑員而忽之致賢者有伏櫪之嗚不肖者有
 網疎之漏也謹分別為我

皇上陳之

計開

應為佐領官九員

常州府經歷王維新才猷諳練歷試著勞見委修塘尤見勤敏亟應還其故物以展其用

泰州同知孫道樸器度閑雅心術端恪任事不辭怨勞而地方愛戴

運司知事李躍翼才識通達勤勵有為年餘劇令五載困衡良可念也

儀真縣典史明良一行作吏勞苦倍嘗志勵懸魚寧甘貧窶其才可及其守不可及也

揚州府照磨周士元識老才長專事確當解課不辭勞瘁署邑頗著能聲

江都縣縣丞張吉士資性明敏貌亦修偉事無巨細應手輒辦奉公守法繁勞不辭百里之才也

無錫縣縣丞白自禎佐邑有聲臨民無

無擾催糧部運屢著勤勞亦華朝良無

儀真縣縣丞章啟文殫精佐治五載深

勞賑飢荒掩枯骨善政種種許丞仇

簿之儔也

丹陽縣縣丞章士茂徵糧脩極苦心督

兌尤見能事曩曾護篆上下咸宜

以上各官皆一時佐領之良內王維新李躍巒

原由知縣降用困衡已久故物應還明良以典

史卑官清操絕俗故特表而出之以示風勵其

餘各員均堪民牧之選者也

應劭佐領官二員

吳江縣典史費琦

一本官云

武進縣淖港司巡檢孟繼傑

一本官云

以上二官皆宿奸老猾攬解行私捏報漂流公

然用上彼將謂自有此報便可借為侵欺開豁

之地即不然而幹辦重派又可釀為厲民之階

設心甚險。大法難容。况孟繼傑。舊解輕齋。錢根
 未知下落。所當俱行提問。追究者也。伏乞
 皇上勅下該部覆覈。如累臣言不謬。將王維新等從
 優超用。費琦等革職。追擬施行。謹題請

旨

舉勅教職官員疏

題為循例舉勅教職官員事。臣維庠序為教化本
 原之地。廣文係表率風教之官。據臯振鐸師範
 攸資。非不尊且重也。人因官重。官亦因人重。使
 果言坊行表日課月程。自然師嚴道尊。學校生
 色。蘇湖教聲。豈異人任。而猶有干預訟牒。營署
 逐羶。冒委勘災。因之為利者。臣敢不操舉刺。以
 隨其後。平今巡歷事竣。例有教職一疏。除老疾
 頽廢各員。先經冊報。以備

計處外所據應薦應劾者以臣習知合之道府刑廳

開報一一甄別為我

皇上陳之

計開

應薦教職官共二十員

崑山縣儒學教諭項復陽模範克端德

行純燮至文章課士其餘緒也

儀真縣儒學教諭左國林清節故有家

風而偉抱不凡居然國士

泰興縣儒學教諭汪遠資性純篤力維

風教蠲學租賑飢民更周給貧士儒

林冠冕

宜興縣儒學教諭陳自勵學博詞弘器

度雅閑醇儒也

常熟縣儒學教諭駱士憤無矜喜之色

是有訓迪之功清操矚然不滓

吳江縣儒學教諭陳繩舜訓文敦行蔚

有令聞華國之選也

山陽縣儒學教諭陳蕃律已廉介課士
勤劬尤能周給孤寒

長洲縣儒學教諭荆鎮文行兼重秉鐸
之外饒有餘才

丹徒縣儒學教諭錢毅才學兼該器宇
淵穆允矣人文師表

上海縣儒學教諭高遇矩度恂恂詞華
岳岳畫粥自相有大儒風味

嘉定縣儒學教諭周建鼎黜浮崇雅有
禪教鐸才守俱自卓然

丹陽縣儒學教諭顧景鉉腹饒經笥而
蕪樹品育木允為儒林翹楚

安東縣儒學教諭何金城才品兼優誨
人不倦多士仰之

桃源縣儒學教諭朱允治青年邃學課
習時勤是大有為之才

蕪榆縣儒學教諭劉思問課士會文敦
行教化才亦優於經濟

常州府儒學教授劉光胤學官藉以煥

然士習因之丕變思問精士會文

泰州儒學學正褚承愚通今習古師道

克修訓學兼備木火金水

淮安府儒學訓導貢或經史淹貫品行

優良訓學兼備木火金水

蕭縣儒學訓導程孔思博雅名流堪寄

民社訓學兼備木火金水

崇明縣儒學訓導左國禎攻苦不輟率

教有方

以上各官皆一時教職之良所當薦揚以脩六

館花封之選也

應劭教職官二員

青浦縣儒學訓導唐澹

一本官云云此一官者淫穢並著應

照貪例革職重處者也

無錫縣儒學訓導趙一琴

一本官承委下鄉踏勘水荒與學吏

學役通同需索作弊有此一青難居
教席所當照不謹例議處者也伏乞

勅下吏部覆加查核將項復陽等次第優陞唐澹等
分別議處施行謹題請

旨

皇上
舉劾武職官員疏

題為循例舉劾武職官員事臣維善將兵者在於

紀律嚴明善將將者不外乎勸懲攸當臣屬南

通湖海北達齊豫自昔稱寇賊淵藪年來鯨波

帖息而羽檄不馳者豈非師武臣力執訊獲醜

固云首功銷弭無形尤稱上上獨怪此輩中多

泛駕躍冶之才無事生事家丁四出邏卒分行

借題沿燒擇人飛食遇臨場大寇則蜩縮而觀

望不前聞狗鼠小偷則狼貪而株求無已非真

求盜也意將借盜以求貨貪而無功者將
反自爲盜致令民之苦兵倍于古劉和孫有將
安所賴乎除會同總漕撫臣王 江寧撫臣
周 嚴行申飭分別責成又先經劾過貪將
沈豹李景陽陳其瑚李潛龍沈大聘楊榮祖鄒
錫祥等若而人矣若有効無舉何以昭示鼓舞
今臣巡歷事竣例應舉劾謹據道府刑廳開報
合之見聞最真者分別優劣次第爲我

皇上陳之

計開

應薦武職官共二十八員

協守常州管叅將事副總兵官張思達
謀勇兼資恩威並濟談兵說劍慷慨
風生奉調提兵赴閩膚功許奏

協守鎮江副總兵都督僉事張誠久經
行陣熟諳韜鈴部伍整肅隱然保障
劉河營副將管遊擊事高必昌才畧優
裕調度有方能與士卒同甘苦地方

賴以安堵士民翕然

督鎮標遊擊管旗鼓守脩事蘇昇束兵

安民令肅風清廉靜有為堪任以重

鎮標中軍叅將于思明折衝之畧素優

靖海之功尤著

督鎮標中軍兼管中營遊擊事愛銀打

里英勇邁眾騎射亦優揮霍多能可

以必其遠到

徐州衛掌印守脩于蛟騎射超群衛政

條理文武兼才

漕撫標右營遊擊王欽才技兼長曉暢

軍事持躬僅飭馭卒知方

柘林營叅將管守脩事李必有禦變之

才有撫綏之智老成歷練遠到可期

金山營叅將吳守祖束兵惠威並濟應

事謹慎獨持

漕撫標遊擊龔澍約束士卒紀律嚴明

給散餉糧毫粒俱覃實惠

揚州營遊擊任弘德英年宿練妙技精

嚴兵民相安隊伍充實

蘇撫標左營中軍守備趙登舉遇事明

妥兼有韜鈴弁流之錚錚者

蘇撫標右營守備楊洪亦諳韜畧能不

生事擾民足徵其賢

永生營守備劉開漢輕裘緩帶說禮敦

詩任事勤勞堪膺一面

漕撫標旗鼓守備陸大年撫輯有方傳

宣克效且持身謹恪兵畏而民德之

孟河營守備高尚義馭兵以法弭盜有

方士民請留久任其賢可知

漕撫標左營中軍守備劉之祿恪守紀

律兵民相安而技勇亦自不群

徐州左營守備王洵招兵鼓銳軍士悅

服防守夏鎮士民頌之

徐州右營守備白國棟紀律惟嚴艱阻

不避干城之選也

防守塩城遊擊徐信嚴能束兵才堪應

外變塩瀆特為保障

淮海道中軍守備張世政束伍得法才

技優長堪稱將材之選

防守宿遷後營中軍守備毛有倫防運

無愆治兵有法任事勤敏有用之才

防守福山營守備董茂觀年青氣銳足

智多能堪任一面之寄

瓜洲營守備趙文煥力殫防江智周撫

衆有為有守勞蹟炳然

大河衛右所千總潘鉞徵屯有法防禦

綢繆其才可與有為

三江營守備董國政防練精嚴才猷暢

蘇鎮標左營中軍守備耿文裕居身以

賢

大受益薄廉治兵以肅

以上各官皆一時將領之良所當薦揚以備選

用者也此外如巡江營遊擊李長榮謀猷素擅

疏稿

技勇兼長受事四年而江上風清壁壘整肅蕭
管守脩羅景芳英勇出衆膽畧過人勦撫兼施
民安盜輯俱適報陞任應薦而不敢槩列然其
賢勞爲著有不容以泯沒也
應劾武職官共五員

通州狼山營副總兵張德裕

一本官云此一官者言多誇誕行

實貪饕剝下剋兵仍習堯鞏之陋借
端網利難遮道路之碑劣蹟旣彰分

閩豈任所當亟行褫斥者也

高郵衛守脩王家棟

一本官云

淮安衛左所千總胡鳴魁

一本官云

寶山管守脩曹大儒

一本官云此三官者皆嗜利如飴

居官爲市雖賍有重輕不同而法當

一體革寃者也

鎮海衛守備魏塚

一本官

云

此一官者任事雖力其

氣則浮歛怨有由指摘不免或念其

清屯有勞量行議處以全器使者也

伏乞

勅下該部再加查核如果臣言不謬將張思達等從
優擢用張德裕等分別議處施行謹題請

旨

表揚節孝疏

題爲循例表揚節孝以信

恩詔以勵世風事臣惟閨門繫風化之原孝行乃百
善之首故易訓從一婦貞見于恒爰詩咏蓼莪
子道詳于聖傳然而世去古遠風俗澆漓使非
在上者神其激勸之用以鼓舞磨勵何以砥江河而
敦教化故表揚節孝者非僅爲此節婦孝子數
人勸也先旣奉有

恩詔一款查舉孝子順孫義夫節婦臣巡歷所至通

行有司採訪令都里公舉孝子節婦實蹟取其
的確甘結不得止憑學校虛飾文套臣屬六府
一州據道府詳報摘其守節最久最苦行孝極
奇極著者共三十四人謹逐一開坐上
聞其餘年歲未詳事蹟平等者俱准入
憲綱給以粟帛獎勵未敢槩列及先經前按臣學
臣題過者亦未敢重叙外伏乞
勅下禮部覈議覆
請旌表施行

計開

烈女一

楊氏蘇州府嘉定縣人生員楊兆紳女
許配王政新為妻父沒與母弟紡績
為生聞夫病故誓死靡他及親黨主
婚欲奪其志氏乃迎姑至紉服題詩
剪髮付姑一慟而訣空室自裁貞性
凜凜該臣看得楊氏儒門弱質絕代
貞媛未縮紅絲頓構彌留之慘親題

黃絹遂堅不字之操。乃因戚族構婚。亟請姑嫜告別。香雲半縷。無非萬恨。千愁。完璧一身。漫道江流石轉。結勘既同。允宜表揚。

貞女二口

周氏松江府上海縣人。故民周鼎臣女。十二歲時許朱孔陽為妻。孔陽因患弱症。未婚身死。氏年一十九歲。矢志持齋守節。見年五十八歲。寧違父命。

不為轉密。繼於亡夫之靈左。乃夫歿之第三口也。該臣看得程氏坤德全。鍾貞風特邁。甫四朝之燕爾。情分非深。捐一命於雉經。剛腸何烈。結勘既同。允宜表揚。

周氏淮安府山陽縣人。生員周秉正女。十八歲嫁夫王啟禎。甫三月。啟禎疾故。氏勵絕中夜。始甦。舅姑日食不充。賣女紅以供甘旨。卽以針刺血。徹

夜不寐三年服闋之日從容閉戶衣
喪服自縊而終該臣看得周氏詩禮
夙嫻孝節兼嫻結縞三月遂成分鏡
之悲血指三年不負蘋蘩之托從夫
地下番譽人間結勘既同允宜表揚
節婦一十六口

蕭氏蘇州府常熟縣人十八歲適儒童
徐茂滋爲妻兩載夫歿時年二十歲
翁姑先已雙亡遺孤纔及兩月毀容

誓死靡他該臣看得周氏在室夫亡
矢心不二天真未鑿何曾笑半刻春
風人紀獨操惟自泣一生夜雨完貞
可尚巾幗爲光結勘既同允宜表揚

吳氏常州府江陰縣人吳正巳之女許
配袁永廣爲妻未嫁夫故時在天啟
元年之六月氏年十九歲守節至今
三十三年見年五十二歲該臣看得
吳氏婚無半面志勵一生帳冷衾孤

十九歲不夫之新婦。霜清月皎。五十年未嫁之老嫠。奇節罕聞。令名振古。結勘既同。允宜表揚。

烈婦二口

程氏徐州豐縣人。監生程煜女。十八歲配金荷生爲妻。合卺纔四日。荷生腰患惡疾。氏晝夜躬親湯藥。不合曉者兩閱月。荷生竟不起。氏拊屍慟絕。遂不進食。誓以必死。父母勸慰再三。堅

忍死。獨力支持。舅姑暨夫三棺皆其襄。塋守節四十餘年。見年六十歲。該臣看得蕭氏芳年隻影。勵曠節于清霜。寒室孤雛。泣窮愁于夜月。一經教子。力舉三喪。是節操而兼有才智者也。結勘既同。允宜表揚。

閔氏蘇州府吳縣人。十六歲適張弁爲妻。五載夫故。氏年二十歲。子甫三齡。乃撫孤號哭。晝夜不絕。母死遂止歸。

寧撫兒成立守節四十餘年見年六十二歲該臣看得閔氏蘭蕙爲姿冰霜比操五年鴛侶遽罹舞鏡之悲三歲藐孤不免牽衣之泣稱未亡者四十餘年爲難決者一綫之脉結勘旣同允宜表揚

呂氏蘇州府太倉州人生員呂均女十七歲適龔孟理爲妻二十歲夫喪哀毀欲以身殉旬日不食勉從姑慰翁

欲其改嫁衣食毫無所給氏卽斷髮毀容奉夫靈座就養母家守貞四十餘年見年六十歲該臣看得呂氏十七而嫁二十而孀絕粒悲鳴幾欲殉夫於泉壤毀容斷髮姑爲侍母以晨昏時對亡靈彌堅初志結勘旣同允宜表揚

馬氏松江府上海縣人係馬世昌女十八歲適生員喬軫爲妻二十二歲夫

故撫立本縣學生員喬焯爲嗣守節
至今見年七十四歲該臣看得馬氏
四載鸞儔甫見琴調瑟叶五旬鵲寡
誰堪雨苦風凄熊丸訓勉媲美三遷
維織勤劬幸維一綫結勘旣同允宜
表揚

陳氏常州府武進縣人陳應元女嫁夫
潘培爲妻夫故氏年十九歲守節四
十九年見年六十八歲該臣看得陳

氏甫笄出嫁十九夫亡上有孀姑下
有弱子遭家多難朝朝泣對寒檠與
世增光永永堪標信史結勘旣同允

宜表揚

趙氏常州府江陰縣人係趙鏐女十七
歲嫁錢含素爲妻十九歲夫亡守節
四十八年見年六十七歲該臣看得
趙氏蚤歲喪夫旋復喪子誓靡他之
志堅待死之心寒窓洒雨對總帳而

孤鳴冷灶炊烟勤絲筐以自給結勤

既同允宜表揚

繆氏常州府靖江縣人係繆初女十七

歲嫁夫呂志茂夫死氏年十九歲止

賦生一子以成時方彌月翁姑俱年七

旬晨昏紡績塋養克盡守節五十一

年見年七十歲該臣看得繆氏十七

于帝兩暮喪耦青年矢節歷人世未

有之千艱白髮完貞績呂氏幾希之

一脈結勤既同允宜表揚

盧氏鎮江府丹徒縣人盧時賓女十六

歲嫁夫周大順爲妻夫因遠館維揚

染成怯疾未幾竟故氏時十九歲守

節四十二年見年六十二歲撫未週

呂之弱嗣鞠育成人奉垂白之翁姑割

股療疾該臣看得盧氏蚤合三年釵

分一旦方其良人遠館每虛琴瑟之

歡迨至抱疾歸來脩竭扶持之苦撫

週歲藐孤至于成立事高年雙白罔
缺晨昏清節矚然輿情交頌結勘既

同允宜表揚

呂氏淮安府安東縣人十六歲適庠生

吳之贊爲妻十七歲生子名胤昌十

八歲夫故守節四十五年見年六十

三歲該臣看得呂氏筭年合卺越歲

分鷺吳氏一塊肉係全費盡辛勤守

志六十年寒暑豈日容易子已青其

衿於庠序母當白其節於

朝堂結勘既同允宜表揚

韓氏淮安府安東縣人係韓友范女年

十七歲嫁夫王繼祚二十歲夫故遵

夫遺言供養祖姑寡姑生前菽水無

違歿後力襄窀穸守節四十四年見

年六十四歲該臣看得韓氏青年失

偶白首靡他最難者奉侍兩姑生事

死塋歷歲寒而不變松柏彌堅守遺

囑以無忘冰霜愈勵結勸既同允宜

表揚

劉氏徐州碭山縣人係劉敬身女十六歲嫁儒童屈尚禮爲妻十八歲夫故產有遺腹子屈鳳翔終身孝事翁姑訓子成名守節六十餘年見年八十一歲該臣看得劉氏合歡兩載苦節六旬遺腹呱呱教就和熊畫荻誓心皦皦芳傳玉潔冰清結勸既同允宜

表揚

陳氏揚州府江都縣人係陳福女十七歲嫁劉光祚爲妻越三年夫故時年二十歲止生一女守節四十五年見年六十四歲該臣看得陳氏天日矢心冰霜勵志夫忘最早悲哉生女未生男氏節彌堅偉矣事一不事二血十指而資炊釜歷萬苦以植綱常結勸既同允宜表揚

仲氏揚州府寶應縣人十七歲適朱天
耀爲妻二十一歲天耀病故遺有二
孤氏地無立錐粟無擔石晝績夜綉
以哺二雛塋姑塋夫戚氏辛苦襄事
守節四十二年見年六十三歲該臣
看得仲氏芳年失偶矢志靡他養生
送死歷來多少艱辛兩泣風愁此事
非同容易金稱百鍊玉貴無瑕結勘
旣同允宜表揚

王氏揚州府泰州人十六歲適生員田
大有爲妻大有弱冠早喪氏時甫年
十九歲斷髮明信矢死靡他養姑守
志苦節七十九載見年九十八歲該
臣看得王氏三年伉儷百歲冰霜斷
髮明心抵多少斬釘截鐵和熊勗子
到於今桂茂蘭芳天假長齡人瞻令
節結勘同允宜表揚

戚氏揚州府泰州人係戚天民之女嫁

于應鰲爲妻甫數年夫故氏時二十
五歲孝事舅姑撫孤成立苦節四十
五年見年七十歲該臣看得戚氏偕
鴛日淺寡鵠年長血十指以供親克
全孝敬持一經而教子不廢愛勞白
壁言完青松無改結勘旣同允宜表

揚

張氏揚州府如臯縣人張恩生女十七
歲嫁故民秦承業爲妻二十五歲夫

歿守節六十四年見年八十九歲該
臣看得張氏冰雪作肝桂薑成性撫

遺孤於七月續秦門將斷之香烟奉
姑舅于暮年繼亡夫未竟之餘志人
欽大節天假長齡結勘旣同允宜表

揚

孝子三名

陳嘉謨揚州府興化縣儒學生員父陳
弘道與惡棍王奇王安生等有讐構

顧福寰誣弘道爲盜徒私販具首督
鹽部堂衙門提解維揚繫獄嘉謨欲
爭于二面父而不可得呼天搶地血淚迸
流無路白冤甘心一死于是血狀訴
神遺書別嬪遂一躍波心而死觀者
萬人父冤由是得白嘉謨年纔二十
至性天成讀其遺婦之書令人淚下
該臣看得陳嘉謨心傷父冤求雪無
路效緹縈而不逮。追屈子于江波。是
旣同允宜表揚

高應豸常州府無錫縣人係高可學子
天性至孝其母費氏早亡抱戚終身
伊父業儒生三子而應豸居其季議
配王氏未娶先死適值伊父病亡應
豸痛父遺言誓不復娶遂終身不近
色該臣看得高應豸孺慕性成友讓
天植。聞蘭房云萎之訃。會椿庭將傾

之時父曰待我續聘固亂命亦善言也彼則痛念不復娶謂未由稟命也非孝義兼篤者乎結勘既同允宜表揚

王鼎臣蘇州府吳江縣人係故民王之樾子之樾事親至孝割股療母鄉黨稱之鼎臣克肖父行竭盡子道且好善樂施辛巳年減價糶米壬午年捐米賑粥癸未年修理城垣造塘橋築

馬路修文閣督官塘辛卯年水災異常飢殍載道先賑粥三十石及臣目擊心傷出示勸賑鼎臣樂捐米二百二十石時正騰貴值價千金賴以發賑全活甚多鼎臣不願義稱惟求旌其父孝只此一念便是孝義兼盡矣倘不加以特旌何以昭示勸典所當表揚世孝激勵義風者也

未得世壽... 謝不... 其父... 顯全... 二十... 樂... 樂... 樂...

告病堂呈

呈為鴛力既殫風疾陡發危在旦夕勢不能忍

懇乞速

題接差星夜前來受事以無悞公務事職本菲材

謬膺蘇松劇任銜

命入疆夙夜憂思惟恐受任不效有傷

本院知人之明用是竭履鈍鴛勉強拮据此中

賦課浩繁奸貪百出蠹山弊海積習已深職復

不自量力罔欲以眇焉之身作狂瀾之砥勞不

知辭怨不知避任真率性質戾既多獨醒獨清
招忌不少况職原無寬大之度每每嫉惡過嚴
聞一不善輒憤懣填胸視如讐對而肝氣以傷
命人本無兼人之才每每事無晉行若遲之越宿便
中心如繫恍有所失而心血爲殫簿書盈案手
眼不停批寢必三鼓起必鍾鳴暑夜則蚊蚋刺股
寒夜則堅冰在鬚歷今一年有半矣職本蒲柳
之軀夙嬰胃痛之症似此勞煩過度飲食失時
不免頻頻作楚一發于上年七月再發於今年

正月無錫負痛按事松江杜門數日直至三月
而始小愈五六月間巡臨蘇州時丁亢旱捧心
祈禱審錄之日痛不可忍令一門豎噤於座後
以兩手緊按胃脘錄囚三日每日必自辰至酉
自謂將勤補拙庶幾不辱

君命以無貽官謗曾不計身之有病也爰自徐州一
轉蒿目荒殘勞形鞍馬以九月初七入淮安而
胃疼更劇承漕撫王時相過問資助醫
藥勉竣巡事次歷泰州不意於十月十三之夜

一痛幾絕自此纏綿屢日再無寧止呻吟牀褥
危在呼吸醫官朱居貞章啟文及羅吳兩生診
職氣虛血枯脉微如線清補互投罔有一效于
是相顧束手計無如何十八十九兩日稍稍平
妥至二十日復痛極昏暈時有揚州推官武纘
緒淮安推官李子燮連至榻前相視以薑汁灌
醒職病勢已深似不能復起矣臣子鞠躬盡瘁
死亦何恨惟是期已及瓜功虧一簣如官塘修
治未成如大蠹剷除未盡有志未了雖死不瞑

再則

計冊大典正在料理而病勢如此雖草率就緒尚虞
遺漏

欽件大案俱力破情而督催次第滿擬事竣之日一
有以報

命而今恐不及如願矣瀕死哀鳴不暇計及妻子伏
望

本院俯憐萬里勞臣數年狗馬百賜優容免加
追論速將接差御史註名題

請勅令星赴受事不必以程限自寬庶未了之事獲
 有接手地方攸賴職即溢先朝露亦可慰於地
 下矣為此激切零涕具呈

命而全濟不致成風矣誠恐京師不知情及接年外

林以時

與計大濟財賦物濟而百官勤勞亦蒙爾財事交以日

表誠

情狀大典由本林

再



